

河北府縣志輯

中國地方志集成

光緒永年縣志
順治曲周縣志
同治曲周縣志

中國地方志集成

河北府縣志輯 ⑥1

光緒永年縣志

順治曲周縣志

同治曲周縣志

上海書店 ● 巴蜀書社 ● 江蘇古籍出版社

古循吏居官規畫皆期諸久遠猷居深念於一邑措施之迹灼見胸次又慮後人昧於體要則必謨述其事以相詒示邑有志乘由來久矣永年令夏君范卿公暇輯成縣志

永年縣志

序

四十卷蓋據前令王君竹堂志藁刪定以上繼乾隆孔志者也書成問序於余余維志乘之體大而天文輿地政典人物以及偏長薄技靡不甄錄徵往事以告來者俾異時

蒞官行政有所參考而邑之俊良亦得景行前賢以為觀感興起之資編錄之意固不為無裨乎范卿治邑有聲今觀所為書其精審也如其律身其矜嚴也如其砥節其斯

永年縣志

序

制也如其吏才其宏贍也如其肆應卷中若地形河渠經政序次尤詳期可見諸行事以補前志漏畧洵孔君之功臣而後來之圭臬也孔志成於乾隆丙子余亦以光緒丙

子經始閱歲竣稿前此百二十
年未有續脩茲三年間竹堂
倡議於前范卿成書於後足
徵循良意趣之同抑所謂規
畫宏遠期諸永久者歟范卿
名父之子溯源家學蘄茲有

永年縣志

序

三

以自見余曩守保陽時令先
人百初先生為易州牧得承
謦欬其流風餘韻迄今民有
餘慕是垂諸久遠者又不僅
在編摩文字之後范卿勉乎
哉受讀卒業爰書數語以勗

光緒三年歲次丁丑六月上
澣按察使銜候補道知廣平
府事白山長啟序



永年縣志

序

四

光緒乙亥詒鈺任事永年吏以
縣志進蓋乾隆丙子孔公廣棟
所修閱今百餘年矣先是承
大府檄纂修通志前令錢君敏
宋君陳壽先後設局採訪逮王
君鏞泣任乃哀錄所存未及成

永年縣志

序

一

書旋謝事去詒鈺不敏于古昔
作者無能為役顧職任一官而
坐視文獻放軼心弗敢安邑紳
亦以纂修請甚力爰具牘申請
上臺開局編輯經始丙子孟夏
至丁丑三月竣藁夫邦國有志

固將辨其山川土田物產因以
周知利病禹貢九州為之權輿
周官外史小史所掌其書不可
考見度必纖悉詳備適于實用
鄮侯收秦圖籍可類推也官書
著述之體甯朴毋華甯質毋誕

永年縣志

序

二

如布帛菽粟之利用而不徒文
章馳騁是尚前哲有言史可數
百年一修志不可數十年不一
修若如後來獵豔之作亦何貴
乎修之哉乾隆丙子距今典章
損益人事遷改年遠無考者何

限及其未盡亡而哀集之尤為
亟矣于是稽之故牘參以輿論
因孔志之舊增刪潤色之地形
經政視舊加詳新增營制碑碣
二志釐成四十卷後之覽者按
籍是稽庶或不出戶庭而一邑

永年縣志

序

三

休戚憬然在目乎若夫遠徵邃
古旁羅軼聞擅述作之宏通騁
詞華之淵懿誠愧謏陋非所能
及書成授梓因識其緣起如此
光緒三年六月上泮知縣事江
陰夏詒鈺識



續修永年縣志姓氏

監修

按察使銜儘先補用道廣平府知府長

啟
江蘇正紅旗人
丁酉科舉人

纂修

同知銜永年縣知縣夏詒鈺
江蘇江陰人貢生

協修

五品銜永年縣教諭宋卿稷
文安人庠生科舉人

翰林院待詔銜永年縣訓導張鎮
河間人優貢

同知銜前河南舞陽縣知縣武澄清
邑人壬子科進士

採訪

永年縣志

卷首
姓氏

一

同知銜前浙江孝豐縣知縣郭志瀛
丙午科舉人

壬子科舉人署高陽縣教諭李士醇

戊午科舉人楊安國

壬戌科舉人辛未大挑二等教福謙

恩貢生栗璋

歲貢生李思周

歲貢生康文明

廩生崔天爵

廩生魏詩儉

廩生閻存仁

校對

同知銜前江蘇丹徒縣知縣祁德昌癸亥科進士

五品銜前東明縣教諭夏彝辛亥科舉人

同知銜前署河南新安縣知縣杜信義辛亥科舉人

五品銜前大名縣教諭傅襄戊午科舉人

壬戌科舉人侯選教諭武雲清

壬戌科舉人辛未大挑二等范恒

乙亥科舉人李承綸

丙子科舉人李允元

壬戌科副榜祁輔昌

永年縣志卷首姓氏

歲貢生高甲

歲貢生楊詢

廩生孟憲春

兵部郎中武用章監生

監刊

六品銜永年縣典史羅繼勳浙江會稽人

續修永年縣志凡例

一永年有志創自前明縣令宋祖乙現行本爲

國朝乾隆中孔公廣棟重修歷年百餘往往今昔異形難

資徵信亦有沿訛日久以及闕畧不詳茲遵通志局頒

發條目博考陳編旁參輿論詳爲補正舊志諸序均載

藝文不沒前哲體裁並俟後賢論定

一八景奉通飭刪除舊志卷首毛塚稻浦諸圖亦八景

類也茲刪之

一星野沿革仍舊志其餘增補刪潤者多義具凡例及

各篇首小序序文間仍舊製不盡更易志乘非一家言

永年縣志卷首凡例

不嫌蹈襲也

一志乘爲記地之書疆域最宜詳載山川尤爲地理脈

絡舊志河流遷改畧而不詳茲於近年宣防諸役纖悉

臚敘律以文體微嫌近瑣然說地之書自不得脫畧地

形以求高古也並增列總圖村鎮城圖巷陌各鄉社距

城里數或有村名俚俗及今昔訛異者圖中悉用今稱

俾詢方問俗按籍可稽傳所謂名從主人也

一山川流峙包絡地軸與開闢俱古學校秩祀典制崇

重舊志序次未當茲升山川於疆域沿革之前建置次

之水利田賦戶口又次之列學校秩祀於驛傳之前聞

以營制補撰碑碣志以次古蹟寺觀塚墓各有增益風俗土產多仍舊說祥異踵事加繁體例無改以雜稽殿二十志先後進退之間較有脈絡可尋

一永清棗強縣志以吏戶禮兵刑工分隸經政良以志乘爲徵信之書學貴通今尤重於考古也舊志多所漏畧茲既增立營制專門鹽課學額因類附隸其他今昔異宜者悉爲考核增補雖不襲六曹隸事之名而事之應隸六曹者仍不至有遺漏

一校官受祿於朝策名選部亦職官也舊志別立師儒年表稱謂殊未典核茲歸併職官表中

永年縣志

卷一 凡例

二

一舊志有封廕年表按封廕爲一門寵榮無關閭邑掌故果其世德作求貽謀裕後自可詳載列傳增立年表轉嫌贅設且封廕限以世不限以年分年立表尤屬無謂至例貢例監多不勝數或謂自減成捐輸後貢監非授職者概不敘入是以納粟多寡定筆削之進退也茲刪除之

一舊志體例最不可從者莫如武功紀傳茲更名兵事錄從雜稽中歸入者若干條宦蹟人物較舊志詳畧分併說各詳篇首小序乾嘉以後事實並增錄焉

一人物傳凡分十體併舊志孝友耆德義行爲一改以

篤行名篇孝友姻睦任卹皆六行所統也併方伎釋道爲一改以藝術名篇藝術兼及二氏從晉史例也

一舊志別魏齊諸宋爲列人之族考核詳審獨載宋孝王傳于文苑宋世良傳于藝文自亂其例茲刪之

一舊志列女首錄宋元祐孟皇后與封爵表列唐代宗其失正同帝后之尊下儕臣庶是謂冠履錯列茲刪之一省局新編通志藝文專錄書目詩文分注各條廣平府舊志體例亦同惟偏隅著述無多縣志法宜詳備往往英文妙墨不盡有事類可隸而膾炙人口者茲仍分類裒集之各書序跋採集視舊加廣則仍存目之意也

永年縣志

卷一 凡例

三

一舊志錄春秋經傳四條事已畧具沿革志詒勅代言不無溢美挑外河疏授舊志八閘碑記之例附註兵事錄褒忠諸疏畧具申端愍傳中茲並刪之

一是編經始光緒丙子仲夏閱歲而竣稿仍舊者十之四增改者十之六惟是簿書鮮暇舛漏不免博雅君子匡其不逮幸甚

知永年縣事江陰夏詒鈺識

續修永年縣志目錄

卷首

序 續修姓氏 凡例 目錄 諸圖



卷一

星野志

卷二

山川志

卷三

疆域志

卷四

永年縣志

卷首

目錄

一

沿革志

卷五

建置志

卷六

水利志

卷七

田賦志

卷八

戶口志

卷九

學校志

卷十

秩祀志

卷十一

營制志

卷十二

驛傳志

卷十三

古蹟志

卷十四

永年縣志

卷首

目錄

二

碑碣志

卷十五

寺觀志

卷十六

塚墓志

卷十七

風俗志

卷十八

土產志

卷十九

祥異志

卷二十

雜稽志

卷二十一

封爵表

卷二十二

職官表

卷二十三

選舉表

卷二十四

永年縣志

卷首

目錄

兵事錄

卷二十五

宦蹟錄

卷二十六

人物傳名臣

卷二十七

忠節

卷二十八

循吏

卷二十九

篤行

卷三十

儒林

卷三十一

文苑

卷三十二

材藝

卷三十三

隱逸

卷三十四

永年縣志

卷首

目錄

藝術

卷三十五

列女上

卷三十六

列女下

卷三十七

藝文碑記

卷三十八

墓碑銘碣傳行狀

卷三十九

四

晉序跋

卷四十

詩

永年縣志

卷首 目錄


五

永年縣志

永年縣志

卷首 諸圖

疆域圖




永年縣志



卷首諸圖






永年縣志

卷首











永年縣志

卷首 諸圖


十



永年縣志

卷首 諸圖

十一



永年縣志卷一

星野志

知縣事江陰夏詒鈺續修

班書謂廣平昂畢分野志邑乘者宗之夫天體蒼蒼浩渺無垠孰爲之度分杪析以下應九土而休咎之占往往不爽豈非聖人先天不違後天奉若之明徵歟是其故非下士所知其理固確有可信矣抑又聞之天道遠人事邇後之展卷者願覽所載以修明人事期無愧古先哲所爲而荒遠之說姑闕如焉是又善於言天者也以星土辨九州之地所封之域皆有分星以觀妖祥

永年縣志

卷之一 星野

保章氏大梁趙也周禮注太行以東至碣石王屋砥柱冀州屬樞星周禮注大梁中呂已之氣也四月建焉而辰在寅

沈周禮

孟夏之月日在畢月令自胃一度至畢六度謂之大梁之

次清明穀雨日居之趙之分野月令章句

夏三月日在昂畢蟄蟲出而用冰春秋左傳注釋例云西陸

昂也杜以西陸爲三月日在大梁之次清明節穀雨中

三統歷云大梁之初日在胃七度爲清明節在昂八度

爲穀雨中終于畢十一度是夏之三月日在昂畢左傳疏

昂畢間爲天街散爲冀州分爲趙國春秋元命苞

大梁昂也西陸昂也昂西方之宿別名旄頭爾雅注大梁

昂之次名也昂西方之宿名也昂又謂之西陸昭四年

左傳云古者日在北陸而藏冰西陸朝覲而出之又十

一年傳云歲及大梁蔡復楚凶是昂星之名凡三郭云

昂西方之宿別名旄頭者天文志云昂曰旄頭是矣爾雅疏

昂畢冀州 昂曰旄頭史記天官書

趙地昂畢之分野東有廣平鉅鹿清河漢書地理志

自胃七度至畢十一度爲大梁于辰在酉趙之分野冀

州晉書地理志冀起胃一度廣平入昂七度晉書地理志

昂七星天之耳目也主西方又爲旄頭隋書地理志

永年縣志

卷之一 星野

自胃七度至畢十一度爲大梁屬冀州隋書地理志

昂畢大梁也初胃四度餘二千五百四十九杪入太中

昂六度終畢九度自魏郡濁漳之北得漢趙國廣平鉅

鹿常山 河東道古冀州之域漢廣平之地爲實沈

三台六星中台下星主趙天市垣二十二星十四趙唐書

天文

自胃七度至畢十一度曰大梁之次于辰在酉謂之作

噩於律爲姑洗斗建在辰今趙分野帝王世紀

順德廣平府天文昂分明志

廣平順德二府皆昂分野明志